

## Ынтымақтастық туралы меморандум

«Қазақстан Республикасының Ұлттық Банкі» РММ мен Италия Банкі, бұдан әрі мәтін бойынша «Тараптар», ал жеке-жеке, жоғарыда көрсетілгендей немесе «Тарап» деп аталады, орталық банктің функцияларына жататын салаларда екіжақты техникалық ынтымақтастықты дамыту мен нығайту мақсатында мына төмендегілер туралы осы Меморандумды жасасты.

### 1-бап

Тараптар ақпарат алмасу және тәжірибе беру мәселелері бойынша ынтымақтастықты орнатады.

Осы Меморандум тиісінше Италияда және Қазақстанда қолданылатын қолданыстағы нормативтік құқықтық актілердің түрін өзгертпейді және орнын баспайды. Осы Меморандум ниеттер туралы мәлімдеме болып табылады және осы Меморандумның 2-бабында көзделген конфиденциалды ақпараттың сақталуын пайдалану мен қамтамасыз ету жөніндегі міндеттемелерді қоспағанда, тиісінше, Тараптардың ешқайсысына қандай да болмасын заңдық тұрғыдан маңызды құқықтар мен міндеттемелерді құрмайды.

### 2-бап.

1. Тараптар арасындағы техникалық ынтымақтастық мыналардан құралатын болады:

а) орталық банктің нормативтік құқықтық базасы, сондай-ақ оның жұмысы мен құрылымы және адам ресурстары саласындағы саясаты туралы ақпарат алмасу;

б) олардың ақша-кредит саясаты туралы ақпарат алмасу;

с) орталық банк қызметінің басқа бағыттарына қатысты ақпарат алмасу;

д) консультациялар, тренингтер, семинарлар мен тағылымдамалар ұйымдастыру.

2. Әрбір Тарап оқыту бойынша іс-шаралармен, семинарлармен және тәжірибе алмасумен байланысты жол жүру, тұру бойынша өз шығыстарын дербес көтереді.

3. Тараптар бір-біріне конфиденциалды ақпарат беруден бас тартуға құқылы, оған мынадай мәліметтер кіреді, бірақ олармен шектелмейді:

- ұсынылуы заңнамамен және ішкі ведомстволық тәртіппен тыйым салынған ақпарат, бұл ретте мемлекеттік құпиялар режимін, кәсіби және банк құпиясын сақтауды реттейтін ережелердің сақталуына айрықша назар аударылады;
- ұлттық қауіпсіздік мәселелерін қозғайтын ақпарат.

4. Тараптар өзара негізде Тараптардың бірі өзі ұсынған ақпаратқа берген конфиденциалдылықтың дәрежесін таниды.

5. Тараптар өз басқарушы органдарының кез келген мүшесінің, барлық штаттық қызметкерлерінің, тең дәрежеде кез келген тартылатын қызметкерлерінің оларға ақпарат алмасу нәтижесінде немесе техникалық ынтымақтастықты іске асыру жөніндегі қызметтің нәтижесінде белгілі болған, атап айтқанда Тараптардың бірі екінші Тарапқа оның осындай конфиденциалды ақпарат ұсынудан бас тарту құқығына қарамастан берген конфиденциалды ақпаратқа қатысты, сондай-ақ конфиденциалды сипаты басқа Тарапқа ынтымақтастық барысында белгілі болған ақпаратқа қатысты барлық мәселелер бойынша конфиденциалды режимді сақтауын қамтамасыз етеді.

6. Осы Меморандум шеңберінде алынған, шектеусіз адамдар тобына қолжетімсіз ақпаратты пайдалануға, атап айтқанда қандай да болмасын жеке мүддені немесе кез келген өзге тұлғаның – жеке немесе заңды тұлғаның жеке мүддесін ілгерілету үшін пайдалануға тыйым салынады.

7. Конфиденциалдылықты сақтау міндеттемесі мыналардан:

- басқарушы орган мүшесінің, штаттық қызметкердің немесе өзге де тартылған қызметкердің міндеттерін тоқтатқаннан кейін;
- осы Ұнтымақтастық туралы меморандумның қолданылу мерзімі аяқталғаннан кейін тұрақты негізде өз күшін сақтауын жалғастырады.

### 3-бап

Тараптар осы Меморандумды іске асыруға жауапты бөлімшелерді және нақты адамдарды тағайындайды.

### 4-бап

Осы Меморандумға енгізілетін өзгерістер мен толықтырулар, егер олар жазбаша ресімделсе және оларға Тараптардың соған уәкілетті өкілдері қол қойса ғана, жарамды.

### 5-бап

Тараптар арасындағы осы Ұнтымақтастық туралы меморандумды түсіндіруге немесе орындауға қатысты барлық даулар немесе келіспеушіліктер өзара консультациялар және келіссөздер арқылы шешілуге тиіс.

### 6-бап

1. Осы Меморандум оған Тараптар қол қойған күні күшіне енеді, белгісіз кезеңге жасалады және басқа Тарапқа тоқтату күніне дейін

кемінде 1 (бір) ай бұрын алдын ала хабарлай отырып кез келген Тараптың бастамасы бойынша мерзімінен бұрын тоқтатылуы мүмкін. Осы Меморандумның тоқтатылуы осы Меморандумның қолданылуы кезеңінде қол жеткізілген уағдаластықтардан туындайтын жобалардың орындалуына олардың толық аяқталуына дейін әсер етпейді.

2. Италия Республикасы Рим қаласында 2015 жылғы «29» қыркүйекте ағылшын тілінде екі түпнұсқа данада қол қойылды және жасалды, бір данасы Ұлттық Банк үшін және бір данасы Италия Банкі үшін.

**Қазақстан Республикасының  
Ұлттық Банкі үшін**

**Италия Банкі үшін**

**Айдар Қазыбаев**

**Эудженио Гайотти**

**Халықаралық қатынастар және  
жұртшылықпен байланыс  
департаментінің директоры**

**Экономика, статистика және  
зерттеулер жөніндегі  
Бас Директораттың директоры**

---

---